

特257

382



始



冊 257

382



金華山房詩鈔續編第一

著者寄贈本



緒言

先是出版金華山房詩鈔，今又出版本編。是皆基于我漢詩會員各位，祝予之古稀與喜壽所寄贈之芳志者也。因追加各位之玉吟，爲紀念呈之。一以自喜，且欲酬各位之厚情也。冀自他共宜攝生以保有大壽。昔唐僧趙州和尚一百二十歲，本朝天海僧正一百三十歲，往古周召公一百八十歲。俚諺云：學與歲共進。然則益努力前進，當以燦然令開倍舊文化之華。是予之深自誓，且又所以望之各位者也。敢綴一蕪辭，以爲緒言。

編中尚有釋清潭師之評，又無評者多。是因師數年前既物故，不經其閱。洵不堪嘆惜矣。抑天何奪如是名師之早。曰非奪也。因師壯年嗜飲酒，招死因實不得已也。噫，吾亦言何。只當謹禱其冥福而已。

著者 天胤誌

古稀後之干支

丁丑	昭和十二年	(七十歲) 十二月金華山房詩鈔出版。
戊寅	十三年	八月登富嶽 十月漢詩入門重刊。
己卯	十四年	八月學函嶺。
庚辰	十五年	紀元二千六百年冬十一月十日、記念祝典舉行。
辛巳	十六年	一月揮毫辭典出版。 五月漢詩自由重刊。 十二月退職駒澤大學。
壬午	十七年	
癸未	十八年	一月千字文詳解出版。
甲申	十九年	(七十七歲) 一月修養第一道元禪師詳傳出版。
乙酉	二十年	

例言

- 一、本編始昭和十二年丁丑四月終同十九年甲申五月即自七十歲春至七十七歲初夏。
- 一、以後每加編可稱金華山房詩鈔續編第二第三故本編為其第一以遠米壽為第二又如引導法語欲集之最後編以序揭豫定表者如此攝養不得以不保長壽矣。
- 一、施返點且往往加細註者是皆為使青年學徒親於漢詩也非敢示大方大方幸莫嗤予之祇贖媿媿。

金華山房詩鈔續編第一

金華山人 天胤 松崎覺本著

第一編

自昭和十二年丁丑四月
至同十九年甲申五月

詠新田左中將二首

竹椽茅屋海波中。不向宸宮御命終。遺恨千秋誰奉霽。功勳第一有斯公。

承久之役後鳥羽上皇于隱岐土御門上皇于土佐順德上皇于佐渡皆為北條義時遷幸而後鳥羽順德二上皇遂崩御于絕海中。

○(八三) 土御門天皇
(八四) 順德天皇

寶劍投來靖。聖襟一門又悉獻。身沈若生誰不感。其節堪示無邊報國心。

暮春所感 丁丑四月

櫻桃代謝杜鵑花。世是無常誰不嗟。若使人生保千歲。如來不轉白牛車。

釋清源曰。佛徒本色。非市井詩人所知。聲聞。羊車。緣覺。鹿車。菩薩。大白牛車。曰之三乘。菩薩者。佛陀之因位也。

詠庭前藤花 末松忠堂居士邸

君家老藤樹。花發滿庭香。吟賞意何盡。含杯對紫房。

訪大休宗悅禪師于舊栖寺院 五月上浣

道骨稜稜夙絕凡。我推今日老雲巖。遷喬時到爲宗主。維德何孤事果嚴。

時偶因衆講師爲大本山妙心寺管長。師次韻詩云。我慚人境極平凡。只聽溪流灑翠巖。偶有松師。臨山院。高吟妙筆示深嚴。遷喬詩。經小雅。伐木篇。伐木丁丁。鳥鳴嚶嚶。出自幽谷。遷于喬木。○論語里仁爲美。子曰。德不孤。必有鄰。金鳳山平林寺。在埼玉縣大和田町字野火止。妙心寺派別格。舊領五十石之朱印地。境內廣闊。有松平信綱及增田長盛等墓。

題平林寺

山稱金鳳寺平林。門境櫻楓入更深。混混泉飛苑如活。綠陰深處好澄心。

大休老師次韻詩曰。新綠如埋古梵林。縱橫到處玉流深。唯思況致虧其主。墨客來遊不感心。

賀鈴木天山禪師就任管長

闔宗推轂古應稀。果見聰明絕百非。從是宗風彌振起。高如富岳仰巍巍。

題上野精養軒 宴會席上偶感。

名勝蓮塘入一眸。風光遙想望湖樓。賞翫雖非擅公苑。園池自是屬斯丘。

謝櫻井不鳴兄見惠松草 兄時住富山市。

松草解包薰滿堂。婆心惠我隔參商。廚房忽作盤中主。一飯餐來齒齒香。

此秋第一末松氏惠信州產之松草。第二櫻井氏惠加州產第三玉貫氏惠松山產第四奧村氏惠京都產一時賞味四州之產。蓋可極稱矣。

賀來馬琢道兄還曆

出參宗務入從文。深想縱橫奏偉勳。還曆人言迎老境。更新奮鬪獨看君。

早晨謁明治神宮三首

機隔疎林遠市氛。賽人如織自爲群。巧機洒水如龍躍。時聽登音細細聞。
自北自西將自東。白砂鑿鑿賽神宮。一群爲列巫修祓。知是征西禱武功。
破曉達門心自雄。殿前洒水掃將終。低頭致敬神如在。仰見彩旗微靡風。

此歲七月七日夜。清國蘆溝橋事件突發。爾來出征將士。參社無不以禱武運長久。

昭和丁丑歲晚書懷二首

自催詩會二秋春。忘却尊卑日倍親。句成蘭菊互爭絢。雖住塵寰無一塵。

昭和十年八月開始中野漢詩會。會員幸多數。有博士。有將官。有代議士。有判事。有銀行員。其他遺俗多名士。承句故及。

其二

歲月將盡寒益烈。遠征將士日濺血。侵曉雪中架河橋。徹宵壘底穿地穴。
億兆奮起宜誓心。誓酬頑敵唯擊滅。

一億同胞總進軍。不可忍。宜忍。不可能。宜能。緊揮一番。銃前銃後。一心只當期頑敵擊滅而已。

丁丑歲晚時事偶感十四首

暴戾神人不許之。膺懲百萬起王師。南支華北如風拂。落葉紛紛安得支。

蘆溝橋事件。七月八日午前四時二十分。敵射擊開始。皇軍應戰。部隊長牟田口廉也大佐。

一自膺懲起我軍。九旬餘日掃戎氛。七十萬人傳敵死。過根自致奈無文。

維天福善孰容疑。二典炳焉曾教之。何事昏迷違祖訓。敢將暴舉抗吾師。

二典。堯典舜典。上海八月十三日擾亂。

會向南京移北京。倉黃又變首都行。突秋蒼術君知否。王將終焉果孰城。

十二月十三日。首都南京城陷落。

從道者榮違道衰。至言萬古亦誰疑。焚書往昔坑儒士。今日倒行還逆施。
孟言取義孔言仁。斯道獨存何處民。殊怪今人棄如土。文明拂跡奈先秦。
濫圖抗日破平和。猛省宜知罪過多。請見仁人總無敵。通州暴舉果如何。

七月二十九日。虐殺本邦無辜民二百餘名。

有德是從無德違。赤心圖事自生輝。尊大臨人人豈敬。惜哉省己未知非。

儒學淵源吾所仰。當時文物燦然明。至誠守道仁爲命。勿恨皇軍此遠征。
遂陷南都合北都。皇軍所向若摧枯。東洋何日笑攜手。每拔一城傷萬夫。

南京陷落後。同月二十六日濟南城陷落。

何時醒覺及官民。同種同文宜自親。喪士糜財將咎孰。夙招天孽有真因。
勉者得之驕者失。何曾富貴在蒼天。神州特秀君須識。家國金甌人亦圓。

論語顏淵篇。子夏曰。商聞之。死生有命。富貴在天。

節到時來茲握手。歡呼何獨我邦民。中山陵上雲如錦。拜跪誰人心不新。

汪精衛氏。漸脫得重慶還南京。茲與本邦大官相議。以開始南京新政府本朝及各國亦承認之。遂與本邦結攻守同盟約。

呼華呼滿還呼日。鼎足何由缺其一。世界曙光猶未催。東邦朝旭排雲出。

清潭曰。時事十數首。一氣轉合。格不尋高。脈理極細。秀骨珊珊。

日本、中華、滿洲。均是東洋。蒙古人種。殊如漢代及唐宋二朝。所寄與于我文化者。其量蓋不可料。政治、宗教、文學、建築、書畫等。一無不蒙彼邦文化。但一傳于本邦也。更洗練而各達其當。遂却出其上。如宗教及書畫。特爲然。如弘法如傳教。將又如榮西如道元。又如雪舟如大雅堂。又如三筆三蹟。皆可謂出其上者矣。如仁義忠孝道義。是亦未無藍出於藍。青於藍之感。

偶感二首 並引

白居易詩曰。周公恐懼流言日。王莽謙恭下士時。若使當年身便死。至今眞僞有誰知。因予亦得二絕句。

歸京六十爲師教。起稿七旬望學階。中年若使吾先死。其奈一門孫子懷。
壽則多慙富多事。封人解說卻佳哉。雖非敢望晚成器。今日聊酬謏劣才。

帝堯觀于華華封人曰。嚳請祝聖人。使聖人壽。富多男子。堯曰。多男子。則多懼。富則多事。壽則多辱。封人曰。天生萬民。必授之職。多男子而授之職。何懼之有。富而使人分之。何事之有。天下有道。與物皆昌。天下無道。修德就閑。千歲厭世。去而上僊。乘彼白雲。至于帝鄉。何辱之有。○昭和四年一月上京。其四月奉職于駒澤大學。時六十二歲。其後詳解書經。開始關古文尙書。獻末研究。時七十一歲。○老子曰。大器晚成。大音希聲。
周公者。周武王之弟。爲成王之叔父。時周公之兄弟。管叔。蔡叔。霍叔三人。流言而曰。周公爲成王謀不利。成王亦信之。稍疑周公。謂之周公恐懼流言日。後及金縢篇出。成王疑釋。周公便發軍征伐。是等如元爲太師。與太傅召公補導成王。○王莽者。漢孝成帝之臣。王莽幼孤。群兄弟皆將軍。乘時侈靡。以與馬聲色。快游相高。弄折節爲恭。儉勤身博學。披服如儒生。外交英俊。內事諸父。曲有禮意。封新都侯。爵位益尊。節操愈謹。虛譽隆洽。傾其諸父。遂得漢政。哀帝崩。迎立平帝。五年而弑帝。攝位三年。竟篡位。國號新。謂之王莽謙恭下士時。便周公之僞。後爲眞。王莽之眞。後爲僞之。意。巧妙無極。

賀立花俊道師還曆師時為駒澤大學長予亦為同學教授

修學泰西心自宏，功成今日宰吾蠻。六十一年終復始，壽峰更禱益崢嶸。

除夜偶感，試化卑俗為韻語，八首

酒味元雖美，嗜之身必傷。宜如服良藥，勿謂只無量。戒大酒

論語鄉黨篇子曰：惟酒無量不及亂。

小食如貓兒，飲量齊蓄犬。順是命維長，微餐未必善。畫中庸

俗傳：食如貓飲如犬，則長命。然如是消極的，未必所以養弱。共缺中庸也。不及不宜，過亦固不宜。○平仄準據王維之詩：○相逢臨高臺，川原杳何極。日暮飛鳥還，行人去不息。臨高臺。

晚飯兼朝食，過量固害身。生命日存食，俚言須誌紳。戒大食

俚語云：命在食。

茶滓宜無棄，汁中以雜之。膳羞安可缺，養素大基斯。勸茶滓

某醫博曰：魚之臟物與茶滓，入肺養素之長。○或曰：茶葉高度飛行食糧上不可缺之葉綠素。○但煎茶以上，且若硬則茶之使用亦不妨。但如河漢之臟物，猛毒殺人不可食。

不及優多過，飲茹皆有量。莫道茶傷胃，三杯克整腸。贊綠茶

灸治灼三里，齒疼茲得止。春期宜避之，成腫惱難已。勸灸治

俚語云：朝茶三杯，至其日之難。○朝茶固可以爽口中及氣分，但食後更為可助消化，且淨化毒素。榮西禪師著喫茶養生記亦云：茶食後喫，故云午茶也。食消則無眠也。

俗云：腕之三里與脚之三里，灸之則萬病不起矣。右齒痛則灼右，左疼則灸左。○予之種坐骨神經痛也，右足外脚部激痛不可喻。然因注射五回，疼痛止，更又灸治凡八回，根治之，恰如夢覺，其効顯著，殆不可思議。○莊子：孔子曰：然丘所謂無病而自灸也。

好餅令長壽，與鱸為對膳。雖異糲兼梗，一榮一致厄。贊胡餅○或人曰：好餅者長命。○造酒用粳米釀美酒。

午睡曰：黑甜鄉。○予著書也，每夜限十一時，以故晝間睡時假睡以慰勞，毫無倦意，頭腦極爽快。○起句語，基於俱舍論末疏，世俗之人未道破，宜以書紳。

戲賦文房具五首

確畔烏沒，笕頭竹摧。不知誰語，足以試才。硯

佳俗曰：舊鳥通鳥，畔通半。

松右君逝，凡心亦滅。疎此作癡，親之為哲。机

公亦通君。

箭去前行。晝安有旦。君子親君。小人是憚。筆
繭變成糸。昏來日沒。調度推君。一朝可闕。紙
默犬何有。城成亦頽。一點宜重。眼睛此開。墨

清潭曰：寬文中，國華集出天下戶備門時，此種調始見。

朝陽映鳥 昭和戊寅勅題

白霧濛濛鳥似浮。何來群鶴舞悠悠。從容回首凭雕檻。咿軋垂綸放釣舟。
赤縣風雲何日穩。扶桑天地幾年侔。昏迷弄劍未醒夢。兄弟傾杯宜共籌。
漢武擎桃謝王母。秦徐求藥駐瀛洲。旭光時上華軒現。無乃神仙起臥樓。

支那曰：震旦又赤縣。○漢武列仙傳云：西王母即龜臺金母也。姓緜，諱同，字太虛。漢元封元年，降武帝殿，進蟠桃七枚於帝，自食其二。帝欲留，核母曰：此桃非世間所有，三千年一實耳。○但小說記事也。○史稱始皇遣東遊海，方士齊人徐市等，上書請與童男童女入海求蓬萊方丈瀛洲三神山仙人及不死藥，如其言遣市等行。○但他史稱徐福拉童男童女，其他木工石工鍛工等凡一千人航海，著于紀州，入熊野，求不死藥，遂客死而不歸。國熊野有徐福墓云。然則此徐市與徐福同一人之別名歟。○市音沸。

戊寅年頭所感九首

入都方九歲。夙志半完成。郊居茲構屋。詩稿亦刊行。

中野區，雖屬東京都，今尚稱新市街，以分舊市。新宿以西之舊郊外地也。○歸稱謂金華山房詩鈔為古稀記念出版。○青年勤學時，以帝都郊外生活為理想，今日幸得焉。

重歲七旬一。四肢猶木強。尚書亦將解。只恐不尋常。

先是著詩經詳解自昨冬企畫書經詳解。

隆冬幾呵筆。盛夏亦擧眉。釋文豈容易。不免轉遲遲。

疑義苦難辨。有如臨路岐。沈思又瞑目。老學有餘師。

俗云：學與歲共進，豈妄言哉。

孔傳與新註。師說又參之。折衷寸心裏。時或挾卑辭。

解說中，往往有古註與新註師說予之卑見四解並存者，後又更加申時行之說，因又見五說並存，所以尚書解不容易。

新歲亦茲迎。將何答。聖明執筆水盈硯。舉頭思遠征。

虎行千里野。却作老狐威。皇軍何猛勇。欲碎積年非。

貸威者誰。又假威者誰。共不許其跳梁。

老健何多幸。縑袍又免飢。鄰邦幾傳報。餓殍滿康逵。

道通五方曰康。通九方曰逵。

回顧麻溪昔。伍群聊策鷲。堂堂今日舍。講說導其徒。

自昭和四年四月。奉職于駒澤大學。教授漢文學及佛學。○同大學。昔在麻布區校舍。與隨學生亦不多。當時唯宗門徒弟而已。

賀篁堂中島氏重病治癒 連環解

未接高委心自通。騷人何必問西東。聞兄九死今方活。不怪蒼天鑑寸衷。不怪蒼天鑑寸衷。情知喜悅溢胸中。更傳文士相徵逐。繪畫琴書以始終。繪畫琴書以始終。更生倍舊保斯躬。一家感起如春滿。未接高委心自通。

題富岳圖 並序

秋山玉山先生詩曰。帝掬崑崙雪。置之扶桑東。突兀五千仞。芙蓉挿碧空。賴山陽先生同題云。戲翻秋玉山先生詩。蓋謂在我邦人常言如此。其一帝掬芙蓉雪。置之赤縣西。擬作崑崙山。敢欲較高低。其二帝掬芙蓉雪。拋作崑崙山。雪汁即黃河。卻向東海還。○予謂崑崙山支那西北部大山脈之中心。黃河發源于此。又崑崙山大於富士山。故予別案出焉。果孰妥當。

帝奪群峰雪。置之皇國東。瑩潔世無比。以為萬嶽崇。

謁大規正信禪師 秦慧昭禪師。為永平寺貫主。

不唯壽可以為尊。久在叢林養道根。今日堂堂成教主。永平六十八兒孫。

再登富岳賦得九首 戊寅八月十三日。自吉田口登樂。

久志再躋期每違。戊寅遂使我雄飛。不須姑息徒求伴。奮起孤筇整旅衣。

大正二年八月二日。自大宮口登樂。

淺間祠下汲泉清。盥手低頭誓潔誠。維馬維車幸併用。老身容易上崢嶸。

淺間社內揭示曰。登山者宜盥手以淨身。又曰。總勿穢靈峰。○自淺間社後乘駟車到馬返。又乘馬到第五合宿舍。

攀登取次扣岩扉。老脚屯艱與志違。雲披忽見朝曦上。回顧峰頭月尚輝。

旭日東昇。大月向懸天。背面對日月。如此壯觀。未嘗觀也。

大觀倏忽逐時遷。下瞰連山如浪連。粘地片雲非可數。擬看爆彈幾條煙。銀霧金雲有若龍。太陽顯赫照靈峰。翻見快晴無變化。雄觀萬古屬中庸。

舉登聖日逢雨為三泊石窟一日半晴一日曇天一日快晴。

靈嶽登攀興果濃。消將三宿漸踰峰。吾年七十更加一。二拜朝暾仰麗容。
念七年前與衆攀。早投窟舍誤登山。踏破艱難何所得。空望阮口一邊還。

大正二年八月與內國觀光團員三百名自大宮口登攀。投宿第四窟舍。

不獨芙蕖可遠觀。靈峰富士亦均看。近仰尤驚山更峻。爭如東海望青巒。

甲州吉田街所觀。特覺其峻險。此夜宿同街芙蓉閣。

再躋夙志憾茲蠲。事業文章亦冀全。人一能之吾是百。慎思宜以願齊賢。

中庸第二十章云。人一能之。己百之。人十能之。己千之。果能此道矣。雖愚必明。雖柔必強。○論語里仁為美。子曰。見賢思齊。見不賢而內自省也。

聞攻略武漢三鎮三首

十月十二日。舉軍上陸南海。未旬日陷廣東城。其念五日。又直攻落武漢三鎮。駛速如是。東西今古戰史。未會有也。

基義 皇威何物敵。況於戰術極其精。抗日當年策源地。變成我國廣東城。
北控別山南大江。天時地利共無雙。神謀鬼策終攻落。匹似轟雷催電降。

將士忠誠常溢腔。奮然振勇固無雙。縱令身化為朝露。義魄忠魂永護邦。

奧多摩谿谷探楓三首

戊寅十一月十一日。與淺草漢詩會員諸士。舉酒看社。舉早發。

射山溪

仙鄉何必在蓬瀛。勝境珠川亦足驚。促醉紅於巧裝錦。蘸來碧水自含情。

杜牧詩云。停車坐愛楓林晚。霜葉紅於二月花。

鳩之巢

屋大巨巖橫碧流。架橋林隙似霓浮。十尋溪谷觀何盡。宜改鳩巢作鳳洲。

寒山寺

峰頭谿谷步從容。飽見丹楓雜碧松。林間日暮車將發。背卻寒山寺裏鐘。

竊擬柏梁體

御嶽谿谷風景幽。新井完道

多摩澗水眼下流。足立千仞

清峽詩趣縱橫求。真金見道

風流隱士任清遊。成田賢洲

拔山豪氣何以愁。成田榮固

關東八州入一眸。松井荻洲

有酒有肴興將浮。細川宗源

十有二人滿腹留。藤田文雄

辨天橋下茶亭休。栗木至道

交情淡淡清似秋。西條宗悅

如此雅會何物儔。天胤

不妨一友默悠悠。天胤補

淺草好文會員一行十二名中一人終默了。

書經詳解成

丁丑十二月起稿戊寅十一月完結時恰皇軍陷廣東及武漢三鎮以壞滅抗日每日之策源地。

征虜虜 皇師固絕群。膺懲南北奏殊勳。聊解尚書揮鐵筆。苦艱恰是似從軍。

不堪歡喜因賦得五首。詩經詳解用毛筆書經詳解揮洋筆。

去年今月始斯箋。今年漸得全。難解恰如攀峻嶺。勉焉漸次極山巔。
丁丑催箋至戊寅。不論寒暑與秋春。一歲將終漸完結。悅情亦似凱旋人。
吾今七十又加一。身健自疑猶壯年。遂用業間攀富嶽。蕪言賦得幾詩篇。
父不嗜鱸師好學。使吾負笈盡研精。結果可哈技猶小。只慙未得大家聲。

清潭曰夢溪筆談曰校書如掃塵一面掃則一面生每三四校猶有脫誤云云校書之難如此況於著書哉

朝陽出海 已卯一月黃城孔子祭獻詩

旭光出海破雲時。如火如金真陸離。恰似東洋皇國勢。照明六合是斯曦。

賀孤峰智璨師華甲

報得慈恩此有年。武山印跡殆無前。德望將接古人壘。壽亦趙州相後先。

偶成二首

吾年七十志將乖。何事前宵夢學階。寒暑惜時論此就。詩書得解業終諧。
饗庭道廢高情闕。市井人昏正學排。微力將何酬聖代。惰眠未許臥空齋。
自哂私望也無涯。一磴纒登又一階。敢破先儒明正學。更融疑問啓荒蹊。
勞陳嘉卉數盆減。倦喫粗茶三椀排。策勵將追哲人跡。趙州老漢是吾儕。

昭和六年。著詩經詳解。今次又著書經詳解。更論破今文尙書暗誦口授之謬說。○唐僧趙州。百二十歲遷化。常於叢林與大眾同動行。云。予唯欲學其老尙有所努力耳。

已卯八月攀函嶺翌日下山

電車登函嶺

屈折車行往似還。俯看軌道幾彎彎。此觀天下可無匹。函嶺依然總別寰。
此夜投宿于道了。尊箱根別院。

投宿山家意快哉。翌朝禮佛畢徘徊。接雲大殿都開放。出嶠初陽貫室來。

貫室壯觀未會見

翌朝登早雲山

東行仗劍此心閒。建策縱橫遂克艱。當日若無收攬術。千秋誰說早雲山。

北條早雲一日使備士講三時。備士開口曰。夫主將之法。務摩英雄之心。賞祿有功。通志於衆。早雲曰。止焉。吾既得之。不令復講云。○三時。周太公望所著兵法書也。其上略開卷第一之語。

早雲山頂西望富嶽

對向芙蓉指顧間。僅留白粉尙爲斑。下山車上重回首。利用濃雲已掩顏。

渡葦湖

一碧渺茫開別區。群峰排列自回紆。舟行十里如航海。誰憶千尋山上湖。
檢山植木水從漁。利用厚生宜不虛。借問斯間產何物。琵琶湖夙聽養源魚。

源五郎船恰如鯉魚

就歸路

歸路再爲車上人。蛇行百折下嶙峋。往年馳馬殆終日。文化今時一瞬辰。

清潭曰。函嶺七首。毫無塵氣。亦無粗獷之氣。可蓋可懷。

和間村八勝 己卯九月八日

蛇堀不動

無我溪頭不動尊。賽人接踵淨心根。威靈不獨救民衆。池水慈悲潤幾村。

蛇堀池名。無我溪。溪名。慈悲淵。池水溢流處。和間村稻田。悉無不獲。此池水。

光明寺曉鐘

山邨亦好重三農。恰似孜孜釀蜜蜂。勤勞成俗緣何物。晨響光明寺裏鐘。

三農。周禮。三農生九穀。註謂原隰及平地。

乙松晴嵐

古樹蒼蒼殿閣薰。朝來謁客自爲群。如烟如霧含嵐氣。神木尖頭帶夕曛。

熊野櫻花

遲日神園好賞芳。紅雲顰蹙影盈堂。櫻花精克湧靈水。炊爨服之豐乳房。

九池落雁

池邊林鬱畫猶幽。波上常看鴻雁浮。恰好此間長禁獵。幸令物性慕吾秋。

岩保遠望

右顧連山低又高。蜿蜒起伏似波濤。藝峰周海如雲霧。千里入眸心自豪。

新濱鹽竈

十里鹽田區整如。會聞國產博高譽。奇哉漠漠濃煙裏。製出皚皚色似瑤。

浮殿明月

穀熟穰穰氣快哉。仲秋迎祭共傾杯。賽人遊士誰無感。大月乘潮浮殿來。

清潭曰。修學院八景。次之嵯峨八景。又次之近江八景。皆擬湘之八景也。今日得新八景。可喜可

日隈神社執行 後醍醐天皇六百年大祭。社司古泉千原氏求獻詩。

因賦短古一篇。虔代蘋蘩之奠。

大分縣日田市龜山有此社。殿。樹。樹。社。城。西。端。臨。三。隈。河。往。年。予。引。率。學。徒。參。拜。焉。

右手按劍左手經。勅曰千秋吾不暇。嗚呼 聖心誰奉察。國賊何獨室町廳。今日論文執戈者。畢竟將何答神靈。至誠如神古所教。純忠至孝神所聽。

龜山祠頭神如在。拜跪誰眼不是醒。巨樹鬱蒼埋神域。三隈水流何清冷。

清潭曰。天皇不信垂水廣信。不聽藤原藤房不用楠正成。唯愛國賊及藤原三位局。元弘之亂。不獨國賊之罪也。○又曰。如足利鼠輩。蒙濫賞。是皆因三位局之黃舌。佛陀曰。女人不成佛。孔子曰。女子與小人難養。

偶成 訪某氏。塗上卒賦。

伯夷雖峻節。其奈缺閒遊。吾推展禽雅。和聖自由由。

孟子曰。伯夷聖之清者也。伊尹聖之任者也。柳下惠聖之和者也。○柳下惠字展禽。魯大夫。

中秋觀月二首 九月二十九日(陰曆八月十五日)

街居雖缺海邊觀。銀色金光亦足歡。市井中秋君識否。設筵屋上坐團欒。

新館屋上。設平場或庭園。是帝都。和洋折衷建築之樣式也。

月中天心無片雲。仰觀休咎帶微醺。定居十歲家災絕。卻憶遠征南北軍。

定居于帝都已十歲。一家幸免風水火盜疾病等災厄。屋上團欒以恣觀月。抑是誰之力。一無非聖恩矣。感懷何堪。

迎年祈世 庚辰勅題

迎春征戰四經年。霖旱唯惶滅寇煙。勇力雖優偏賴食。財囊縱滿豈餐錢。
昔時人禱桑林野。今日誰追夏禹賢。焦思勞身壅洪水。爲犧斷髮訴昊天。
于山于海宜求產。又圃又園須補田。飯足自剛邦益盛。百神願使保安全。

今夏山陽及九州方面。旱魃甚。又傳初夏雨潦甚。爲害亦甚云。故歲末穀價暴騰。皆有因焉。拜庭題洵有以哉。
舜舉禹代。舜勞身焦思。居外十三年。過家門不入。○大早七年。太史占之曰。當以人禱。湯曰。吾所爲禱者。民也。若必以人禱。吾請自當。遂齋戒。剪爪斷髮。乘車白馬。以身爲犧。牲禱于桑林之野。以六事自責。言未已。大雨方數千里。

庚辰元旦偶作 並序

天海僧正壽一百三十。周召公一百八十。近時梅巷棚橋。絢子女子一百一歲。然則長壽未可言。不必得矣。戲賦三首。

右眉中斷似裁環。耳亦歸聲隔世間。及老猶能嗜胡餅。人言有信壽當山。

清潭曰。此是公案。解者有幾人耶。
予少時。一老人相予曰。子必長命。右眉毛中斷。予又中年以後。耳根漸運鈍。人曰。雖者長命也。予又嗜胡餅。人曰。好胡餅者長命也。不期而聽如是語。不亦奇乎。又或曰。好漢詩者長命也。予豈可短命哉。

壽相其猶耕美田。唯憂時有旱霖天。慎食宜遮胃腸害。未開健啖保延年。
宰予晝寢我能親。假睡慰勞令腦新。祖曰平常心是道。竊欣順教未傷身。

常濟大師曰。平常心是道。

新年言志 (連環體)

皇紀二千六百年。萬邦何處如此連。周代雖榮纒八百。五洲縱廣無超旃。
五洲縱廣無超旃。況復神靈奉幣全。生逢此典何榮幸。四節風和菜穀鮮。
四節風和菜穀鮮。將何吾黨報蒼天。三條不朽有名語。皇紀二千六百年。

晉穆叔曰。太上有立德。其次有立功。其次有立言。雖久不廢。此之謂三不朽。左傳襄公二十四年。註云。立德。黃帝堯舜。立功。禹。立言。史佚。周任。臧文仲。○禹。支那國土再造之大恩主。穆同五穀栽培之大祖先。史佚。周室之史官。周任。周大夫。臧文仲。魯大夫。

鷺尾博士賦藍山莊偶興見徵和韻

數畝市朝園。猶看山水美。出講人間道。入任仙意起。

文學博士鷺尾順教氏。原作詩曰。林莊絕世噴泉石。自幽美。春鳥語。南嶺日高人未起。○博士與予同年。既上玉樓數年。可惜哉。

佐賀縣小城櫻岡校庭老松 應案。

溫柔自是使人親。剛毅防非又作仁。老樹垂枝如有意。校庭翁鬱恰神人。

櫻岡小學校。元爲舊小城藩校。興讓館址。云。校庭有老松。繞樹以表焉。故司法大臣波多野敬直。同大藏大臣松田正久。共興讓館出身。

昭和庚辰紀元節恭賦

國威恰似艷陽晨。廟議益明知與仁。無限皇風無比煽。不騫帝德不磨
振採長補短。邦彌熾容佛存。儒道更真。世界那邊求。此慶二千六百年元春。

不騫。詩經天保篇。如南山壽。不騫不崩。

知恩院故法主現有上人七周忌辰見徵追悼詩

上人去世七周年。畢竟將何供法筵。東洋今日風雲急。執劍宜醒遊惰眠。

西征之師。尙未竣。

聞東肥菊池神社社殿改修奉祝 應案。

四世相承悉盡君。精忠如此未曾聞。都藩怪傑多求醜。僻郡眞雄卻辨薰。

馬駐射蛇靈掣雨。胃墮奪敵讎乘雲。壯嚴社殿新民意。不獨芬芳神酒醺。

肥後菊池郡限府町別格官幣社菊池神社。以總工費二十五萬圓改修云。○史稱菊池武時率百餘騎過筑前博多棉田祠前。馬俄不前。武時怒曰。何物牛鬼。敢阻義兵。願射其龍。馬輒前進。以攻賊將北條英時。○又稱菊池武光發八千兵。攻少貳賴向六萬兵。武光先士卒。馬傷胃裂。斬一敵將奪其馬。與胃復進。竟大破之。○墮音毀。義亦同。羅音答。謂飛龍。○四世武時。武重。武士。武光。

清潭曰。山陽不死。於是可見。菊池正觀公源乎。

療瘍紀事三首

庚辰五月中浣。左足膝下右側生瘍。十八日切開。爲膿入浴。三句戲賦三首。

魔憎吾健康。令瘍生左足。不厭切開刀。唯廢三句浴。劫體
外傷何足患。所冀與天遊。慎欲兼修道。但期絕內憂。
三句瘍遂癒。健脚喜還元。屹屹携書到。內門又外門。

內門。駒澤大學。外門。家庭石原氏。清潭曰。東坡氣力。

賀小柳博士七十

文學博士小柳志氣太氏。

道究東西學位全。猶任木鐸德逾圓。訓蒙一日當旬日。七十宜稱七百年。

題石原氏邸青楓 昭和一五七二

樓上回看翠將滴。使吾愉悅講文章。賞情何必期秋錦。常送涼風影映牀。

賀普應禪窟木內重誠師晉山

繼承師席盡精魂。不撓終能盛寺門。堂堂正好行嘉禮。宜報神恩又佛恩。

境內高丘上。安置金刀比羅宮。

皇紀二千六百年祝典紀事

維時昭和十五庚。暢月旬日大東京。欲催盛典累日曇。此日何幸乍快晴。
六萬嘉賓如星宿。道傍觀者似堵橫。壽詞玉詔音吐朗。恰似秋天大月清。
宰相下階又進步。一聲高唱萬歲聲。此時舉國亦相和。一億同胞萬歲轟。
百一祝砲如雷響。滿艦施飾護皇城。感淚滂沱心自切。億兆誰不誓忠誠。
回顧迢迢望天外。爆彈碎敵亦雷鳴。大國瞬時滅國力。世界何時是太平。
朝野舉非不知戰。尙催此典表衷貞。皇紀二千六百歲。無邊歡喜將何評。

錦旂翻風眼將眩。菊花設壇更加精。晝翳旭旗夜連燭。豪華電車亦添英。海陸觀兵諸事畢。堂堂齊祝此舉航。借問誰致此盛者。神皇體仁民捧生。民是忠孝繼祖意。皇是嚴威令國榮。山川加護陰陽燮。未看餓殍襲群氓。太陽常自東方出。皇威赫赫耀八紘。嗚呼二千六百歲。臣民將何可致情。滅私奉公忍不忍。携手共進萬古程。聊綴蕪辭紀大典。偏冀孫子亦保名。名義公道日以盛。國光更加日月明。

暢月謂十一月。○如斯而舉當日之典禮。晝便旗行列。夜提燈行列。花電車亦七八臺出動。以添豪華。又逐日代。木原頭舉行大觀兵式。續而橫濱港外。舉行大觀艦式。以爲最終。先是爲紀念此蒙古大典。欲開催萬國大博覽會。派遣幾多使臣。既得各國贊同。然顧時局重大。性遂延期之。果哉。翌十六年辛巳十二月八日拂曉。大東亞戰勃發。

漁村曙 辛巳勅題

旭日將昇雲漸微。波光激澗自增輝。忽看咿軋舟爲列。滿載銀鱗金蠶歸。

黃城釋菜獻詩 辛巳一月中浣。佐賀縣小城町。

浮海乘桴從我誰。仰天浩歎拜嚴儀。我邦今日仁爲命。道義元知基聖知。

論語公冶長篇子曰。道不行。乘桴浮于海。從我者其由與。註。桴。筏也。○予亦於暢綠江始見此桴。即一大筏上構家屋人居住焉。

鐵道精神鼓吹歌三首 辛巳一月盡日應索。

鐵道奉公宜致思。勤勞協力兩要和。接人公正持心實。修養依然在練磨。

鐵道精神歌中。有奉公。獻身。勤勞協力。公正。實實等德目。及修養。磨。知能等之文字。句中故及。

鐵道奉公何簡易。職能宜盡義兼仁。西方救世諸稱佛。我是扶桑度衆人。

鐵道奉公何可忽。一人失節萬人顛。操車技術縱雖巧。每旦每從唯禱天。

賀西脇玉峰兄七十

君生東北我西南。曾學同龔道是探。七十迎來又連席。兩翁嬰鑠喜何堪。

兄。山形縣人。予大分縣。相距何遠。然盛年時同學于哲學館。亦同級。晚年又同奉職于駒澤大學。而予過古稀。既三歲。嬰鑠未知。老之至矣。可不喜哉。

賀梅村恒遠麟次兄七十 辛巳

三代儒宗古所稀。況迎七十尚雄飛。賀筵榮盛恐無比。伏向先師報此輝。

兄之祖父醒齋。父精齋。父祖相繼爲漢學塾藏春園主。兄與予俱學于精齋先生。三代傳儒。例豈

多哉而兄迎七十時中學受教學生八百人來賓五百餘人會合開壽筵且名士寄祝電者四十餘通殊爲兄之畫像及紀念品料呈一千八百圓云豈不異數乎。

伏枕中一紀事

自一夕冷脊梁骨骨骨骨又併
發生骨神經痛爲伏枕四旬。

一朝伏病豈堪傷何料倉公來入堂扁鵲依期先在室病魔辟易去倉皇。

一日青木醫伯來訪時午下三點炎熱如燒主治醫早川氏亦偶在枕頭不期而兩醫會合且聞二伯俱學子同校交情殊如兄弟云不亦奇哉且青木氏所惠亦適病體誰不驚其奇異事雖屬偶然偶然即是不可思議也因賦一絕以紀念焉時昭和辛巳八月下浣
扁鵲倉公共支那古代之名醫。

連峰雲

壬午勅題

西歐東亞北中南世界何邊旱豈堪飢渴恰如龍失水衰頹更似蟻離甘
昨傳空爆重吾憤今聽陸攻驅彼貪時見連峰大雲起當令慈雨滿天酣。

昭和十六年十二月八日對米英兩國發宜戰勅而午前八時我海陸兩飛行隊既衝曉霧東方襲布哇西又襲馬來半島共擊沈米英之主力二大戰艦以大奪敵膽蓋十數年來之隱忍一朝遂爆發令雷擊如神依正義者常榮反正義者常枯天道豈有私哉爾來戰聞皆名之大東亞戰。

黃城孔子祭獻詩

壬午一月中浣每歲見索獻詩

不惶天又不憐民妄動憑他誤厥身願被聖人威德力再如兄弟結同親。

彼邦誤策抗日每日非妄動而何。

賀江口栖鳳兄八十

若望縮命宜親酒人世再生安可希君是八旬過予五當哈七十古來稀。

聞占領星港改名昭南不堪感喜賦三首

昭和辛巳極月八日起聖戰翌壬午二月十五日陷星港十八日行入城式

東洋第一壘誇雄遂揭降旗靡偉風一百餘年夢醒否背仁棄義豈能終
義膽忠肝是我魂皇軍所向火燎原太陽顯赫一離地星港消光安足論
吾國祖神是天照照臨無不滿空間誰疑光被無涯極先自昭南創克艱。

當時所報敵俘虜九萬五千遺棄死體約一萬五千飛行機擊墜五百五十一艦船擊沈一百〇一隻○我軍損害戰死三千二百八十三名戰傷六千一百一名飛行機損害七十二機此戰始十二月八日拂曉終翌年二月十五日此間實七十日云。

業音豪。曰之總業所感。別業所感。又業力所變等。

維摩居士贊 應宗

健而示病。丈室容群。凡情誰信。所以紛紛。方便遺徒。誰是奏勳。言者不識。識者不云。默耶是默。真言可欣。無文見文。即是真文。

老子第五十六章云。智者不言。言者不知。○維摩經入不二法門品云。文殊師利問維摩詰我等各自說已。仁者當說。何等是菩薩入不二法門。時維摩默然無言。文殊師利歎曰。善哉善哉。乃至無有文字語言。是真入不二法門。

賀井上巽軒先生八十八二首 次韻

日移歲改志何遷。學德拔群元嶄然。八旬加八猶凌壯。立績亦應全百年。吾曾受教學師神。七十五年如夢身。老尚對書聊練想。欲追齒德契千春。

先生原作詩云。平生豁達養精神。由此保來康健身。馬齒今迎八十八。又逢東亞勃興春。老境光陰冉冉遷。回思往事獨茫然。從今奮起何言晚。百歲猶餘十二年。尚有二首省略。回顧五十年前。學于哲學館。聽先生講哲學概論及獨逸哲學者傳。

詠日本刀二首

切玉寶刀威壓堂。射來北斗色如霜。一視猶能令懦豎。勇夫揮此響鏘鏘。秋水誰知真勇源。扶桑男子以為魂。一揮閃閃光如電。寸斷頑夷奉至尊。送出征友

弔山本元帥

國大材多缺禮文。傲謾沒義只誇群。口稱人道心如鬼。畜類驅除偏待君。決死奮揚俱競行。大東激變豈尋常。散華何願賭邦戰。萬古放輝元帥光。題櫻井驛楠公父子訣別圖 應需

山崎部隊 北洋熱津島守備隊

縱橫奮擊盡成仁。可謂日東真武臣。玉碎誰令天震撼。二千烈烈總軍神。山崎保代大佐。五月二十九日。與部下二千數百人。共受十倍之敵襲。遂悉戰歿。依殊勳叙中將。且大佐及部隊。皆共受感狀。

奉頌承陽大師道元禪師三首

究道無窮人與天。詩歌亦秀豈徒然。欲識永平真面目。精修勤學更參禪。
深藏接衆亦何加。不學世人徒逐華。匹似清香滿天地。皚皚雪裏老梅花。
身維奉佛志如神。宗祖雖多誰比真。深無涯際高無極。風格當推第一人。

悼芝崎部隊玉碎

南洋義留愛阿都島守備隊。

北洋蒙襲又南洋。萬里分軍焉免殤。玉碎雖悲勳絕匹。兆民憤激益更張。

芝崎惠次海軍少將。與部下將兵三千人。及軍屬一千五百人。受敵兵五萬之襲擊。悉戰死。時維十一月二十五日。分駐多羅和。麻斤兩島。依殊勳任。海軍中將。賜功二級。

中野漢詩會開席及一百回因記喜

月尾一回茲設科。忽忽九歲似奔波。會員增減雖無定。百席開來例豈多。

昭和十年八月開始。至同十八年十二月正一百一回。中一回為病休止。

歲晚一夜偶然懷蘇東坡居士得一律

修道業成名夙傳。家庭教養固當然。參師見性心歸佛。繼父承儒躬學禪。
論姦上書令泣鬼。遊江作賦亦通仙。超凡脫俗深憂世。絕代人才獨占先。

十二月二十九日夜。就寢中偶然得此作。○居士名軾。父蘇洵。弟蘇轍。皆為一代儒宗。○居士夙就昭覺常禪師。參禪論無情說法。話有省。述偈云。鬆聲便是廣長舌。山色無非清淨身。夜來八萬四千偈。恰日如何學似人。○似同示。○居士論駁王安石之新法。上書於神宗皇帝。凡上書中出色為第一。子又以居士赤壁賦為賦中第一。述字由真。理蓋有過之者哉。○以大論駁新法。被投獄。將瀕死。家弟子由上書以訴其冤。因以得出。獄免死。

海上日出 昭和甲申勅題

曾自膺懲宣戰來。歡呼迎歲正三回。包圍何物空恫喝。反擊吾軍悉破摧。
六國重臣揮淚會。八紘一字挺身開。設筵東海拜初旭。似示 皇威耀大魁。

六國本邦中華滿蒙。○所評決共同宣言五箇條。(一)共存共榮。(二)獨立親和。(三)文化昂揚。(四)經濟繁榮。(五)世界進運貢獻。○時維癸未十二月五六兩日間。大東亞會協議。

悲壯紀事 並序

二月一日。我南洋統治領麻亞留諸島中。俱衛世林及留越登二島之守備海兵四千。工員二千五百。蒙敵大艦隊之襲擊。總員悉玉碎。中有前朝香宮御曹司候爵香羽正彥海軍少佐。悲痛何堪。

島嶼碁布各駐軍。何料蒙敵大襲群。奮戰激鬪令鬼泣。終碎六千五百員。
航空機若存餘力。邀之擊碎猶掃蚊。如何分駐自殺勢。北洋亦碎何忍云。

憤慨無奈恨不極。當造飛機多如雲。東西逆擊又南北。偵察無餘掣糾紛。
一朝戰歿無貴賤。戰禍重大豈堪聞。仰天號哭天不答。只當銘肝策建勳。
一增兵器二增產。三鍊精神四勞筋。一億一心宜竭節。勝敗是猶藉與薰。
我邦太陽將東上。頑敵日沒恰夕曛。滅敵不能吾亦滅。不知何時笑迎欣。

春日訪秋留廣德寺賦得二首 三月二十一日春期皇靈祭

與安武呼子兩氏同伴。此日有詩會約。寺在東京都五日市町字小和田。又曰秋留。

春日乘晴訪古山。梅花挾路旅情閒。直指會場茅屋裏。詩筵拈筆聽綿蠻。

詩經小雅綿蠻篇。綿蠻黃鳥。止于丘隅。綿蠻鶯聲。

其二

彼岸期中日。吟朋伴兩員。人多將溢乘。春淺未看芹。門記穉留窟。樓題正眼
文。盤盂堆餅飯。歡待謝慇懃。

乘。乘物。

龍角山廣德寺。北條氏康中興。建長寺派。舊領四十五之朱印地。境內一萬二千餘坪。墓域有後
北條氏五代之墓碑。外門額題穉留穉窟。中樓門額題正眼閣。自立川驛乘換。乘客充溢。殆不
能動體。○當日被供餅夥多。句故及。

賀高階瓏仙禪師就任管長

遷喬會董吉祥峰。法運時來總闔宗。情知重荷勞精志。活躍將看勢若龍。

師自永平寺西堂昇住于永平寺。今次又因前管長秦禪師遷化。依宗制襲其後。為管長。

鳥蟲之七不思議。亦戲化卑俗為韻語。

春鶯

託身喬木。使世傾聽。發聲殊妙。寶法華經。

夏蟬

雖飛匪鳥。鳴必呼蟬。形纖聲大。恰若最連。

秋葢(鈴蟲)

身潛叢裏。對月似吟。吟聲何巧。珍智露琳。

冬蟲

絕餐數月。出入因雷。籠巢穿地。裸體悠哉。

四月雷。謂之啓蟄。雷十月。雷。謂之閉蟄。雷。昆蟲類聞如是雷。鳴出入云。

蜘蛛網

吐絲結網使人捕魚精巧無比名果不虛

蠶造倭

吐絲造倭令農藏穀又克成仁以全老者煥

煥暖也○論語衛靈公篇子曰志士仁人無求生以害仁有殺身以成仁○孟子梁惠王篇五畝之宅樹之以桑五十者可以依帛矣雞豚狗彘之畜無失其時七十者可以食肉矣中略七十者衣帛食肉黎民不飢不寒然而不王者未之有也

傳書鴿

昔人既役名曰飛奴伶賢可愕千里通書

鴿鳩之一種曰之家鳩○天寶遺事張九齡家養群鴿每與親知書信繫鴿足上依所教處投之九齡目之為飛奴又正字通唐鄭復禮言波斯船上多養鴿能飛行數千里放一隻至家以為平安信○今日我國民事軍事俱役之曰傳書鳩○晉波登蓋飛奴之轉音歟文法上曰之波行繼之通

七十七自祝所感三首

七十加來又七年此間憂喜轉相連胃腸為惱四旬臥肺骸催衰週日纏

體質偏因承健壯病根克服得安全謝他考妣持清節追憶將何報在天

古稀以前絕無疾病以後誤吞梁受冷風為害胃腸打臥四旬後隔一年又罹輕微肺炎然前後盡克服是偏因考妣共不嗜飲酒喫煙以遺予之健康體○明治元年戊辰四月六日生

三兄時到各昇天阿弟追蹤亦永眠寂寞令吾傷銳氣冊書為世著新篇

漢詩重會方盈百鶴壽難期何美千七十七年猶若夢只希努力學前賢

三兄長松本平藏為村區長兼農會長又同技術員壽七十五次武臣陸軍少佐征露役戰死壽四十二次茂市為業煙草專賣局技師壽七十八弟茂海軍大佐壽六十七皆先予死歿○冊書古稀後著揮毫辭典千字文詳解及修養第一道元禪師詳傳

吾元短尺不完身何料重齡至喜春屈指知人多易養閨門戚族順稀倫

幸逢東亞方興日及見西歐將沒辰雖老男兒安可蟹奮然宜起導蒸民

往年壯丁檢查日檢查官示予一紙片曰子宜讀之見則書錄育不完全○易贊禮記檀弓上篇童子曰華而駘逯大夫之贊歟子春曰止曾子聞之懼然曰呼曰華而駘大夫之贊歟然斯季孫之賜也我未之能易也元起易贊會元曰夫子之病革矣不可以變幸而至於具請敬易之曾子曰爾之愛我也不如彼君子之愛人也以德細人之愛人也以姑息吾何求哉吾得正而斃焉斯已矣舉扶而易之反席未安而沒○曾元者曾參之子

悼古賀峰一元帥殉職二首

昨失長官民震驚。今聞元帥亦犧牲。戰鬪堂堂真激烈。望天扼腕只吞聲。

先失山本長官。今又失古賀元帥。僅一箇年間。失一元帥。誰不驚其奇烈。國民宜牢記。五月八日。爲喪之凱旋。各戶揭吊旗。迎之。

一將功成萬骨枯。今時此語屬胡盧。率先麾衆征頑敵。千古凜然與懦夫。

孔叢子。衛君胡盧大笑。註。胡盧。掩口而笑。

詠大楠公三首

當大楠公生誕六百五十年紀念祭。

峻節光輝恰日星。楠公千載見儀型。湊河希萬濺忠血。戰死猶如醉夢醒。
決死悠然向戰場。唯知倒敵不思鄉。高懷示範輝朝野。誰得今時爭厥光。
兆民齊唱大楠公。今古猶看鐵石忠。畫策空消縱不就。七生報國盡無窮。

開洛陽城陷落三首

五月二十五日

中原紫府洛陽城。今日牙旗終改更。驅逐魔軍旭光燦。如看重慶愕然驚。
收縮鐵環包洛陽。大都倏忽失其光。頑迷未覺空彈力。反省何因不復常。

儼然幾代北支都。敗卒八千終作俘。寶器珠材吾保護。大哉又忽見驩虞。

孟子盡心篇。孟子曰。霸者之民。驩虞如也。註。驩虞。與歡娛同。當時所報。洛陽攻陷。戰果。我軍所收。容敵死體。四千八百二十九。俘虜八千二百八十六。我方損害。戰死八十名。可謂奇蹟矣。

詠菅公

當公生誕一千一百年度賦三絕。

奉祭年年及小童。舉邦無處不祠公。從容順命趨陬遠。唯待蟾輝照潔衷。

維新前。天下之學童。設天神講。每歲祭公。又傳。全國祀公。其數凡一萬二千六百社云。又公配處。月明夜。詠和歌云。海奈良壽。淇邊留水。通底麻天毛。清心者。月會照佐武。句故及。

縱令身是蒙冤枉。自重何爲會恨天。唯從君命無餘憤。臣節示規心若淵。

公於配處。九月十日夜。賦一詩云。去年今夜侍。清涼秋思詩。篇獨斷腸。恩賜御衣。今在此。捧持。每日拜。餘香。承句故及。

武頌楠公文頌公。兆民爲範盡精忠。如今戰鬪極苛烈。不怪平和漲大空。

賀文學博士宇野澄江先生古稀

吾曾趨邸接溫顏。懇切深知情不慳。超越塵寰心益壯。期他上壽有何艱。

上壽百二十歲。中壽一百歲。

金華山房詩鈔續編第一(畢)

〔附錄〕

賀天胤講師迎喜壽三首

次講師調

東京都

樫山 安武 政敏

賀古稀來又七年。高堂自見瑞雲連。有爲嗣子春秋富。莫逆夫人日夕纏。
息女慇懃輸定省。先生攝養保安全。心身壯健由何得。拜佛親仁兼敬天。

先生嗣子。東北帝大工學士。爲海軍技術少佐。

英資潑刺氣衝天。剛健何曾貪惰眠。達識揮毫能警世。錦心鴻紙忽成篇。
覺堂弟子將過萬。詩會門生或半千。喜壽迎來猶嬰鑠。晨昏未倦趁前賢。
堪羨尊崇萃一身。溫容迎得喜齡春。請求學位論無敵。鑑別詩書識罕倫。
埃見殊功成就日。仰望素志遂行辰。信知積德兼餘力。善導迷蒙幾許民。

次天胤兄玉韻賀壽三首

福岡縣

梅村 恒遠 麟次

遙賀吾兄達喜年。料知清福逐齡連。三杯酒味忘塵累。百席詩談絕俗纏。

儒教精神行道篤。禪門妙諦養心全。生涯難得真知己。隔地相思只樂天。

我甥隨距帝都三百餘里。

吾生時翫月花天。勤學聞師未貪眠。金玉聲音連入卷。經傳意義解成篇。特研赤縣詩三百。善誘帝都人幾千。七十餘年多著述。堂堂筆陣壓群賢。

師夙嘗詩經詳解。近頃又著書經詳解云。且聞提出學位論文于帝大。

何憂短尺不完身。維膽如。覺德似春。名士叩門參悟道。學徒通刺質彝倫。縱橫筆陣成功際。熾烈戰場爭勝辰。堪喜老騏千里志。雄篇大作勵伊民。

同次韻

東京都

高橋 竹迷

喜迎七十七新年。春入高堂佳景連。詩境拓來風月富。禪心超脫利名纏。濟生白業人知健。憂世丹心道乃全。東亞方逢勃興日。文章報國別開天。

同次韻

東京都

浩然 西脇 玉峰

堪祝新春喜壽年。高堂自見瑞雲連。法筵徐轉禪機妙。學會直消詩債纏。筆陣縱橫心益盛。著書報國氣逾全。身雖短尺膽猶大。綽綽胸中別有天。

同賀

東京都

若守 義孝

古稀又加七。康強若壯年。東亞方興日。凜凜氣衝天。

物體

同

東京都

原田 顯正

夙草文章顯偉功。迎來七十七春風。賦詩猶是宋蘇軾。講學恰如漢馬融。切切導徒情自逸。悠悠養志樂何窮。佳篇不啻驚人目。更與遐齡德益高。

同

東京都

大休 峰尾 宗悅

善哉同伴作詩科。消長影明無浪波。喜壽松翁堪報謝。運斤風下好徒多。

運斤。莊子云。郢人運漫其鼻端。若蠅翼。使匠石斲之。運斤成風。盡而鼻不傷。郢人立不失容。

同

東京都

洲南 岡本 碩翁

甲申年此始。堪祝喜齡人。長壽守其法。健康託此身。度生禪氣熟。攝衆筆頭親。嬰鑠猶松節。當期百歲春。

同

東京都

琳亭 小島仲三郎

恩師七十七。嬰鑠凌常人。往歲雖罹病。經時已役身。德高多弟子。學博少同倫。東亞方興日。更希導庶民。

同

東京都 鴻堂 中村彌次郎

學兼今古復誰疑。健筆縱橫意所隨。喜壽猶振文教業。先生真箇是男兒。

同

東京都 蜃城 關口 彦造

學德雙全不老翁。體軀嬰鑠氣如虹。諄諄導衆心愈健。喜壽延年福豈空。

同

東京都 卓翁 上村 靄爾

迎畢古稀還七年。欣師嬰鑠更依然。吾亦讓齡纔五歲。欲追老境益安全。

同

東京都 忠堂 末松 孝太

師翁迎喜豈閒眠。出講入書材器全。霜鬢已催猶嬰鑠。可期重壽百餘年。

同

東京都 柿沼熊之助

博學胸中富五車。風流文彩比梅花。先生喜壽身愈壯。祝酒猶看隱士家。

五車之書謂多。

同

東京都

逆井保次郎

博學雄文又微禪。育英更勉老詩仙。堪欣喜字南山壽。偏冀仙禽藏六年。

鶴首尾四足。外敵侵則愈藏。六。仙禽鶴。

同

東京都

芳洲 齋藤芳之助

喜壽益看詩賦雄。慈顏奕奕德聲隆。書囊豐富真名士。料識無疆福履充。

同

東京都

無絃 呼子 重義

超風越格自神仙。博學詩文一世傳。恰如老柏凌雲聳。堪慶重齡喜壽年。

同

橫濱市

蕉溪 倉本 和明

博究雙稱儒與禪。育英導衆德維全。七旬加七不知老。嬰鑠清容自古賢。

同

石川縣

春秋 蠢莽

天胤先生喜壽齡。詩才書學令名馨。及門弟子回頭望。偏禱身心更泰寧。

同

三重縣

花岡 帶雲

奇骨稜稜老益剛。我師嬰鑠壽無量。富峰瑞雪琶湖水。特代仙丹自有方。

同 山形縣 見理 周剛

久在學園詩思崇。又迎喜壽氣彌雄。雲霄事業還堪待。更冀遐齡啓後蒙。

同 東京都 江夢 三神 有吉

遐齡七十七星霜。且占詩書文雅雄。門下諸生皆頌德。南山春色獻霞觴。

同 大連市 馬場 庄江

學德雙全一世師。提撕後進不知衰。先生喜字尤堪祝。門弟為群奉壽卮。

同 東京都 素山 黑川新次郎

同人相繼赴黃泉。祝我松翁樂有年。重齒廿三盈百歲。著書更積幾新篇。

同 東京都 翠石 峰岸 章介

七十翁加七。慈顏喜色新。奉杯虔獻壽。冬夏尚如春。

同 東京都 河橋 弘宗

研鑽詩學既連年。指導慇懃歲月遷。師老愈剛迎喜壽。門人相會設芳筵。

同 東京都 對岳 白川 至敬

共學蓬萊不老仙。好開爐竈打詩禪。門生擁座多才俊。從是更看垂教圓。

同 東京都 松本日出國

詩書千卷自盈堂。七十七年猶若央。講道導人溫且秀。清容更禱壽而康。

同 東京都 祖淵 飯塚 嵩

壽域開來自豁然。絕倫千首屬詩仙。先生峻潔元天性。從是龜齡不計年。

同 橫須賀市 竹堂 加用 信憲

大人嬰鑠以詩鳴。多士濟濟門葉榮。彷彿芙蓉抽衆嶽。巍然萬古峙東瀛。

祝中野漢詩會開席達一百回三首

東京都 樫山 安武 政敏

月次一回齊被科。盟朋相會絕風波。高歌正氣又葩詠。每見雄篇警句多。

題詠春花又雪華。賦來各處幾名家。詩筵百席星霜九。雅會行看多藻葩。
排絕彫蟲與死灰。每逢事變錦心開。風流以外忠兼孝。涵養神州正氣來。

會員中帝都以外有富山市、石川縣、山形縣、三重縣、京都府、大連市、橫濱市等居住之各名士。中間詩承句故及。

同 東京都 洲南 岡本 碩翁

研覈漢詩方九年。重回一百鐵心堅。文章報國堪爲伍。俱進葩經古道邊。

同 東京都 逆井保次郎

吟花詠月應常科。未得名哦心似波。百席重來師益壯。且誇門子偉才多。

同 東京都 忠堂 末松 孝太

詩講設筵茲百回。每時令我盡全才。謝師指導詢詢到。永見風流雪裏梅。

同 富山市 不鳴 櫻井 正業

未聞夫子食無魚。及老勤勞猶有餘。若使謫仙今日在。昭和街上定停車。

同 三重縣 花岡 帶雲

風雅吟來養此神。百回重席九秋春。講師嬰鑠猶鞭撻。詩眼開蒙幾許人。

同 京都府 大哉 奧村安太郎

百轉寶山多路岐。達嶺下瞰最難期。百回今日開重席。世上騷人和者誰。

同 東京都 公堂 矢島 通弘

雅會連綿滿百回。養成 皇國漢詩才。先生博學詢詢導。今後猶期幾席開。

同 東京都 善鄉 松下 長平

入門猶若昨。詩學志何灰。只愕光陰早。雅筵賀百回。

同 石川縣 春秋 蠢莽

詩會設筵方百回。及門子弟四方來。啓蒙吾又感何淺。往事追思意快哉。

九歲詩筵月次催。提撕又是孰爭魁。更加喜壽身逾健。三絕方知雪月梅。

同 橫濱市 蕉溪 倉本 和明

喜迎詩會百回辰。九歲相吟南北人。天胤先生壽無極。慇懃指導活精神。

同

東京都 芳洲 齋藤芳之助

城西中野設詩筵百席重回到九年。指導老成迎喜壽。如何可不祝連綿。

同

大連市 馬場 庄江

月次開來各賦詩。百回重席詎堪怡。先生喜壽老逾健。歡語盈堂酒滿卮。

同二首

大連市 長沼 豐丸

天胤講師希世才。詩筵月次必開催。能令後進向斯道。不撓連綿及百回。

同

東京都 卓翁 上村 靄爾

月次詩筵過百回。講師矍鑠似寒梅。有英忘老猶憂國。內外門生舉壽杯。

同

詩會催來九迓秋。雅筵百席各藏修。中途因病雖空席。祝賀何堪世絕儔。

自註。禮記學記篇云。君子之於學也。藏焉。修焉。息焉。游焉。

賀天胤先生之喜壽

東京都 玉須 小野 武雄

儒學絕倫兼學禪。諄諄教道冀齊賢。童顏矍鑠老逾健。喜壽更期及百年。

附錄(畢)

500
43

昭和十九年七月廿五日印刷
昭和十九年七月廿一日發行

東京都中野區昭和通三丁目
一八番地
著作者 松崎覺本

岐阜市七軒町十二番地
印刷者 河田貞次郎
(岐阜一)

岐阜市七軒町十一番地
印刷所 西濃印刷株式會社

【非賣品】

終